

*Cu un website diseña di nobo
y reorganisa*

Aruba Ports Authority ta ofrece bishitantenan un experiencia excitante online



ORANJESTAD – Aruba Ports Authority ta brinda su bishitantenan un experiencia excitante online, caminda nan ta brinda un variedad amplio di contenido, serviccionan y cambionan cu ta haci'e visualmente mas atractivo.

Esaki ta en conexcion cu e diseño nobo y reorganizacion di nan website existente. Segun Director Jossy Figaroa, Aruba Ports Authority ta un autoridad di Puerto reconoci tanto den region como internacionalmente y como tal a dicidi di "revamp" nan website pa refleha nan posicion den e mercado . "Nos a basa hopi cambio ariba feedback di usuario y tendencia den e industria," Figaroa a splica.

A "upgrade" e website actual door di a cuminsa e proceso di separa e serviccionan di carga cu lo cay bou di e Puerto di Barcadera for di e di serviccionan na crucero cu lo keda na Oranjestad, unabes cu e mudamento di facilidadnan di carga termina den e aña binidero. Tambe a diseña e homepage di nobo pa promove e cooperacion entre Puerto y comercio den cercania y pa yuda stimula e economia di negoshinan. A agrega un bista panoramico di Oranjestad, cu ta e bista cu e bishitante ariba un barco para den Waf di Oranjestad tin, cu puntonan di informacion, cultural, historico, cu ta hopi busca pa bishitantenan na e terminal crucero, manera museo y

edificionan historico ariba e ruta di e trolley pintoresco di Oranjestad.

Ademas di esaki a agrega un pagina dedica na Green Port Initiatives. Riba e pagina aki tur persona interesa den e esfuerzonan di Aruba Ports Authority N.V. ariba tereno di iniciativanan "Green" por haya un bista riba proyectonan andando cu ta forma parti e Green Port Policy di APA cu a keda aproba na 2013.

E seccion di In and Around Our Port, ta duna informacion di Oranjestad y facilidadnan cu imagennan bibo di e Trolley di Oranjestad. Nan clientenan principal, esta e barconan cu ta bishita nos wafnan y nan representantenan local (agencianan di barco) tambe tin e oportunidad di calcula e costo di un barco den Puerto cu nan online calculator.

Tur tarifa di Puerto manera Towage, Anchorage, tug etc., awor ta na nan alcance ariba e website caminda cu nan ta ricibi un tarifa di prijs parti pa categoria, via e-mail.

APA ta invita pueblo en general pa bishita tambe nan pagina dedica na duna informacion en general di e Barcadera Multi-Cargo Project. Tur siman lo tin imagennan nobo y un descripcion corto di e desaroyo pa asina tur persona por tin e informacion completo di e proyecto aki. Naturalmente e seccion di noticia y e tan pidi Cruise Schedule ta accesibel

tambe. APA su departamento di mercadeo a ehecuta e trabounan den cooperacion estrecho cu Dwayne Heronimo di Orbitals y Christian Romero di

Multi Solutions Aruba. Den e di dos fase di e diseño cu lo inicia e aña aki lo enfoca ariba mas intercambio den uzo di Social Media como parti di nos bida diario pa re-

enforsa Aruba Ports Authority N.V. local y internacionalmente y pa tin conexcion cu e diferente clientenan. Ademas lo haci uzo di apps ariba e website tambe. □